

B. N. C.
FIRENZE

1070

11





1070.14



CONIOVISSANCE 1070. 11
DE IACQUES H 5
BON HOMME PAYSAN
DE BEAVVOISIS.

*Avec Messieurs les Princes
reconciliez.*



A LYON,
Iouste la coppie imprimee à Paris,
par Charles Chappellain.

COMPTOIR
DE JACQUES

PAR M. JACQUES

DE JACQUES

DE JACQUES

DE JACQUES



DE JACQUES

DE JACQUES



CONIOVISSANCE

de IACQUES bon-homme

Payſan de Beauuoisis.

M Estres honnorez Seigneurs, Si ie
fus bien aise de ſçauoir que vous
auiez receu ma lettre en bonne
part, ie l'ay bien encore eſté d'auantage
d'apprendre que la conference de Soissons
s'eſtoit terminée par vne bonne & ſincere
reünion, au contentement des gens de
bien. Car quelle nouuelle pouuoit eſtre
plus agreable à vn pauvre vieillard de ma
condition, chargé de quatre vingt dix ſept
ans & de cinq enfans, ſans leur ſuitte, que
celle de la continuation de la paix? Mot
dont le ſeul ſon eſt ſi doux aux oreilles des
bonnes gens, qu'autant de fois qu'ils l'oyēt
prononcer, autāt de gouttes de manne pen-
ſent ils voir tomber du Ciel ſur leurs ter-
res. Les animaux meſmes deſtituez de rai-
ſon ſemblent en auoir quelque ſentiment
& s'en reſiouyr. Surquoy ie vous raconte-
ray vne choſe, dont poſſible ces gauſſeurs
qui deſſrayent vos tables de brocards, ſe

mocqueront, mais ie la diray neantmoins,
 pource qu'elle est considerable. I'ay eu vne
 genisse tellement malade depuis la Chan-
 deleur iusqu'à c'est heure, que ie la contoïs
 defia entre les choses perdues. L'excez du
 mal qui la trauailloit auoit rendu tous mes
 remedes inutiles, & si i'en scay plusieurs &
 autant excellents que possible Medecin
 ou Apoticaire de Beauuais. Tant y a que ie
 l'auois abandonnée, si ie disois sans enuie
 de pleurer, ie mentirois: Mais le croirez
 vous mes tres-honorez Seigneurs? Il est
 aussi vray, comme ce qu'assure ma femme
 quand elle iure par le dernier brin de chan-
 ure qu'elle a tillé, que soudain qu'on a par-
 lé icy de vostre reconciliation, ceste pauvre
 beste a commencé à reprendre force & à
 se remettre à veüe d'œil, comme si l'espe-
 rance & la douceur de la paix luy auoit
 rendu le courage & la vigueur, que l'ap-
 prehension de la guerre luy auoit ostée. De
 sorte qu'il faudroit maintenant fort peu
 de chose pour me persuader ce qu'autre-
 fois nostre Curé ny son Vicaire ne m'ont
 iamais peu faire accroire avec tout leur la-
 tin regratté, que les bestes ont esté iadis
 capables de raison, du temps d'un certain
 petit homme d'Europe tout contrefaict,
 qui leur faisoit dire par le tuyau d'une plu-
 me

me tout ce qu'il vouloit. Il falloit que ce fust quelque grand Clerc, & qu'il s'enten-
dist au Grimoire. Que si, afin de reuenir à
nos moutons, les brutes mesmes qu'on
croit n'auoir autre chose que l'vsage de
leurs sens naturels, ont quelque cognoi-
sance & ioye du biē & bō lieu de la paix,
que doiuent faire les creatures raisonnables.
Et certainement ie ne pèse point aussi qu'il
y aye personne au monde qui ne la prefere
de tous points à la guerre, s'il n'a le timbre
de la teste frésé, ou le cœur enfermé entre
deux escailles d'huystre. Nous sommes cēt
quarante trois en nostre village, sans les
femmes & les enfans : l'en ay parlé à tous,
les vns apres les autres à diuerses occasiōs
mais ie n'en ay receu encore aucun qui
n'ayme beaucoup mieux cōduire vn trou-
peau aux champs, que suivre vn Capitaine
aux coups. On n'en raporte pas tousiours
le compte de les zeluēx. L'estime que qui
recueilliroit les voix des habitans des vil-
les, il ne s'en trouueroit guieres qui ne de-
sirassent plustost le repos que le trouble.
Si ce n'est par aduenture quelques vns qui
font mal leurs affaires. Telles gens ressem-
blent le plus souuent aux ioueurs qui n'a-
yans pas beau ieu, voudroyent volontiers
qu'on remessast les cartes. Ils se promettent

quelque amendement d'un changement. Car pour les autres, qui ont tout ce qu'il leur faut, ils ne demandent rien que la liberté de iouyr à leur ayse de leurs commoditez. C'est pourquoy ie me suis tousiours mocqué de ceux qui croyoyent que vous eussiez enuie de remuer & mener les mains. A quel propos? leur disois-je, qu'est ce qui leur manque? Ils ont tous de beaux offices, de beaux gouuernemens, & n'y a aucun d'eux qui n'ayt le moyen de faire bonne chere vne partie de l'année, & se resiouyt l'autre, & au bout dequoy faire dorer vne douzaine de lances pour aller rompre vne apres disnée contre cette morte paye de la place Royale. Mon grand garçon qui s'y trouua il y a vn an ou quinze mois, dit que c'est vne belle chose à voir. Quel profit au reste, leur apporteroit la guerre? Leurs peres ne s'y sont gueres enrichis: S'ils doiuent encore quelque chose, cela ne viét point d'ailleurs. S'engager à nouuelles despêses ne seroit pas acquitter les vieilles debtes. La bienveillance du Roy & de madame sa mere nostre Royne, est la meilleure rente qu'il ayent tous. Ils tascheront estans bien aduisez comme ils sont, de l'entretenir & la cōseruer par vne fidelité & obeyssance inuiolable. C'estoit ce que ie disois d'ordinaire à

ceux

ceux auxquels ces gens de guerre qui s'assembloient autour de Mezieres & de Soissons rendoyent vostre retraicte suspecte. Ie iugeois bien que vous n'auiez veine à la teste ny au bras qui y tendist. Vous l'avez resmoigné & sagement certes : car si vous eussiez fait autrement, ne vous offencez point, ie vous prie, Mes tres honorez Seigneurs, si ie vous dis librement, qu'il vous en eust mal pris en toutes façons. Ce n'est pas que ie doute de vos forces & de vos courages. Où y en auroit il au monde, si vous n'en auiez, estans ceux que vous estes? mais il faiët tres mauvais esprouuer son pouuoir contre ceux qui n'ē laissent jamais tant prendre à leurs subiects, qu'ils ne s'en reseruent encore dauantage pour l'oster à qui en abuseroit à leur preiudice. Si ce qu'ō dit cōmunement, qu'un Seigneur de paille mange vn vassal d'acier, à lieu en quelque simple Escuyer ou Barō malaisé, combien plus en vn grād & puissant Roy? Vous n'auiez point de dessein contre luy, direz vous, au contraire tout vostre but n'estoit que son seruice & le bien du Royaume, ie le pense de vray : car vous l'avez tousiours protesté : mais on ne frappe pas tousiours où l'on vise, & on faiët bien souuent mal en voulant bien faire. Vous estes Princes,

vous estes hommes aussi, & par consequent subiects à vous tromper. Il ne faut qu'un mauuais rapport, qu'un mauuais conseil. Car d'alléguer que vous n'en vouliez qu'à ceux qui abusaus du nom & de l'auctorité de leurs Maiestez faisoient leur profit des confusions & ruines publiques, vous n'eussiez iamais decoiffé le peuple de ceste opinion, que vous ne fissiez en cela, cōme ceux qui n'osans se prendre au maistre frappent ses chiens. Ce sont personnaiges recommandez d'une esgale probité & suffisance en l'administration des affaires: il n'eust pas suffi de les accuser pour les faire condamner, il eust fallu prouuer ce qu'on leur imputoit & les conuaincre. Ce qui vous eust esté fort mal aysé. Non que j'estime qu'ils ne puissent faillir quelquefois: car leurs belles qualitez ny leurs cheueux blancs ne les exemptent pas de ceste commune contagion de l'humanité, ainsi que l'appelle vn liure qu'à le Secretaire Goubau, mais comme vous sçaez mieux que moy, toute imprudence n'est pas crime. Il n'y a en telles choses que la seule malice qui soit punissable. Autrement, qui seroit innocent? En tout cas, comme dit la Royné en sa lettre, que le clerc de M. le Baillly nous lisoit la sepmaine passée, les fautes sont personnelles.

les. Il n'eust pas esté raisonnable que si M. le Chancelier de France, ou quelque autre de ceux qui ont plus de part aux affaires, auoit trop librement contredit vos opiniõs au Conseil, ou n'auoit pas assez doucemẽt acquiescé à vos propositions, les vaches de Iacques Bon-homme, qui ne leur doiuent rien, en portaissent la folle enchere, & que tel, qui ne les a iamais veuz les vns ny les autres, payat les despens. Il y eust eu certes de la conscience & n'est pas que quelque bon confesseur ne vous en ayt mis à ces Pasques dernieres vn peu de scrupule dans l'oreille. Vous y auez eu esgard, & prescié suiuant la raison, l'interest public au vostre particulier. Dequoy vous serez tous à iamais autant loüez par toute la France, que le fut autrefois Raymõde Brebin ma tante dans nostre village, il y a bien quatre vingts dix ans. Car ie ne portois point encore de haut de chausses. C'estoit vne grande femme, & de si haute taille qu'il n'y en auoit point en toute la paroisse qu'elle ne passast de toute la teste en la processió. On la mena à l'Eglise le iour de ses nopces, parce selõ la coustume, de toutes les nypes & beatilles de la bâlieue. D'aussi loin qu'on la voit venir, on ouure vne petite porte par laquelle les nouvelles marices auoient lors accoustu-

mè d'entrer les plus droites qu'elles pou-
 uoient, de peur de faire des enfans bossus,
 tels qu'on disoit estre engendrez de celles
 qui se courboiēt en passant. Superstitiō tel-
 lemēt enracinee en la cōmune creāce qu'il
 ne s'en fust possible pas trouuē de cent vne
 qui eust faict ce que fit celle-cy. Il s'esleua
 vne grande contention entre ceux qui se
 trouuerēt là presents; les parents & les fem-
 mes principalement s'obstinans fort & fer-
 me à faire rompre vn peu de muraille, pour
 luy donner entree, les autres soustenans au
 contraire qu'elle auoit à se prendre à elle
 mesme de ce quelle estoit de si demesuree
 stature, & que la commune se passoit bien
 d'aller faire des frais pour ouurir le passage
 à ce grand corps. Mais tandis qu'on estoit
 sur cest estrif, elle sans en dire mot à per-
 sonne, deschauffe tout doucement les sou-
 liers, & puis ployant vn peu le col, entre
 dans le Moustier. Acte qui par apres ap-
 prouuē de tout le mōde luy acquit le nom
 de sage. Vous en auez fait de mesme, mes-
 tres-honorez Seigneurs, donnant vos con-
 siderations particulieres à l'vtilité & à la
 trāquilité publique. Vous ne vous en repē-
 tirez iamais, cōme vous eussiez sans doute
 faict, si vous eussiez suiuy le dāgereux con-
 seil de ceux qui vous soufloient la guerre

aux

aux oreilles. Je dis mesme quand la fortune eust fauorisé vos entreprises d'un heureux succès. Car les Roys ne voyent iamais de bon œil ceux qui ont vne fois fait cognoistre au peuple par leur exemple qu'on se peut dispâser de leur obeissâce sous quelque belle & specieuse couuerture. Je vous en reciterois deux ou trois memorables histoires, si mon fils estoit icy pour les lire dans mon gros liure où ie les ay marquées. Mais vous en sçavez plus que moy. Je ne sçay pas à la verité de quelle humeur sera quelque iour nostre petit Prince; son pere pardonnoit & oublioit les iniures fort volontiers, mais ces vertus ne sont pas tousiours hereditaires. Et si ce qu'on nous en rapportoit ces iours passez est veritable, il sera ialoux autant que tout autre de son autorité. C'est Monsieur Geraud Pignon valet de pied de la Royne, il n'est pas que vous ne le cognoissiez: car il est tout vestu de velours & porte l'espée au costé. Il vint icy dernièrement aux fiançailles de sa ieune sœur. Nous l'interrogeasmes fort long temps Lampau, Sestier & moy des nouvelles de la Cour du Louure, & particulièrement de nostre bon, petit Roy duquel il nous dict tout plein de bien. Qu'il estoit si docile, si doux & si gentil que rien plus. Au

demeurant tellement liberal que dès cinq cens escus d'or qu'on luy donne tous les premiers iours du mois, il ne luy reste iamais au bout que la bourse, dans laquelle on les luy a présentés. Et pour mōstrer qu'il n'endurera pas aisément quelque iour cōme nous disions à c'est heure, qu'on entreprene tant soit peu sur luy, il nous racontoit (ie croy que vous n'estes pas à cest heure à l'ouyr dire) qu'ayant pris fantasie il y a six sepmaines ou deux mois de reuoir son manteau Royal qu'il auoit à Rheins le iour de son Sacre, & ayant comme ie ne sçay comme treuüé quelque plume dessus, il estoit entré en opinion que quelcun le mettoit la nuit sur le liēt pour l'eschauffer. Sur quoy il auoit protesté qu'il n'entendoit point que personne quel qu'il fust s'en courist, & que quiconque le feroit ne demeureroit pas dix ans à s'en repentir. Nous autres bonnes gens le prenions simplement à la lettre, mais celuy qui no^r faisoit ce recit, disoit que les Courtisans auoient recueilly ceste parole pour vne marque de la generosité de ce ieune Aiglō, capable de s'en faire accroire avec le tēps & de maintenir l'autorité absoluë que son Pere luy auoit laissée. Que si vne fois il se fust persuadé que vous ne vous couriez, mes tres-

hono

honorez Seigneurs , de l'affection de son service que pour esblouyt le peuple,& faire vos affaires particulieres , ainsi que luy eussent possible peu faire entédre quelques vns,certes il y eust eu danger qu'il eust pris plaisir estant majeur de roigner les ongles dont il eust senty les poinctures estant mineur. Le peuple d'autre part vous en eust tousiours regardez de trauers. Autant de fois qu'il eust veu seulement quelque clocher ruiné,quelque grange brulée, quelque terre en sauart,autant de fois vous eust il maudit & detestez comme les auteurs de ces malheurs.le ne sçay si vous auez ouy faire le comte de la vieille de Maricay. Les vignes ayants esté premierement gelées,& puis grellées,auoient laissé fort peu d'esperance aux tonneaux & aux caues. Les moissons ne promettoient pas guiere dauantage aux greniers. Vn matin qu'on faisoit la procession autour du village , ceste femme à qui ce degast cuisoit , s'aduace vers celui qui portoit la croix luy crie,haulsele,haulse ce bon ouurier tant que tu pourras , à fin qu'il voye mieux le beau mesnage qu'il a fait en ce pays. Blaspheme à la verité & impieté des plus grandes, mais c'est seulement pour monstrier que malaisément pardonneroit aux hommes pour grands qu'ils

foyēt la cholere & haine de ceux, qui ofent
 se prendre à Dieu mesmes de leurs pertes
 & desconuenues. Par où vous pouuez co-
 gnoistre combien sagemēt vous auez faict
 d'euiter l'indignation du Roy & de la mal-
 vueillance du peuple par vne prompte o-
 beyffance aux commandemens de sa Ma-
 jesté. Dequoy ie me conjouïs autant auec-
 ques vous, que si vous auiez adiousté à la
 Picardie la Flandres; A la conqueste de la-
 quelle i'ay appris que certaines gens vous
 conseillēt de tourner vos pensees & vos ar-
 mes. Mais vous estes trop sages, Mes tres-
 honorez Seigneurs, pour vous embarquer
 incōsiderémēt en vne entreprise, de laquel-
 le l'exemple seul de ceux ausquels elle à cy
 deuāt mal reüssi, est capable de vo⁹ detour-
 ner. Vous sçaués de qui ie parle. Pour Dieu
 viuons auec nos amis, & laissons les choses
 comme elles sont, pour le moins insqu'à ce
 que le Roy soit plus grād. Cela pourroit rō-
 pre son mariage auec Madame d'Espagne.
 Il s'en faut bien garder, quoy que sçachent
 remonstrer au contraire quelques vns à qui
 il n'agree pas. Je voudrois biē sçauoir pour-
 quoy. Car quelle plus honorable, plus vtile
 & en toutes façons plus aduantageuse al-
 liance luy pouuoïēt- ils choisir pour le pre-
 sent? le leur dōne quinzaine pour y songer.

Quand

Quand ie pris enuie de me marier (dónez
 mes tres-honorez Seigneurs, ce priuilege à
 ma vieillesse de parler souuēt de moy mes-
 me) on me proposa deux diuers partis assez
 honestes & riches pour le tēps & le pays. Ie
 les refusay par l'aduis de mon oncle Guil-
 laume, pour prendre vne de nos voisines à
 qui la mauuaise fortune de son pere n'auoit
 rien laissé qu'un pignon panchant, confi-
 nant mō iardin, & vn cor au petit arteil qui
 seruoit d'Almanach perpetuel aux femmes
 du vilage pour les iours propres à leurs le-
 ciues. C'estoit tout ce qu'elle auoit. Neant-
 moins ie la preferay aux autres pour la
 consideration seule de son pere, si subtil
 praticiē, qu'il y auoit à craindre pour moy,
 que si Gautier Trauaillon, avec lequel i'a-
 uois quelques differens, venoit à l'espouser
 selon le desir qu'il monstrois d'en auoir par
 ses recherches, il n'embarrafast mes affai-
 res & ne me fit māger mon bien en procès.
 Ie m'en suis biē trouué depuis. Ie veux di-
 re de mesme (s'il est permis de cōparer les
 petites choses aux grandes) que ceste con-
 federatiō d'Espagne ne peut estre que pro-
 fitable à la France, quand ce ne seroit que
 pour oster à quelques vns de nos voisins le
 moyen de s'en fortifier & preualoir contre
 nous. Ceux qui ne sont pas de cest aduis,
 diront

diront que ce sont là des raisons & considerations de village, mais qu'ils les appellent comment ils voudrôt, pourueu qu'ils recognoissent qu'ils se trouuent bien empeschés d'y respondre. Tous grossiers que nous sommes aux champs, encore n'auons nous pas l'esprit tousiours tellemēt enfouy dans la terre, que nous ne l'esleuiōs quelquefois par dessus les espics & les buissons. Je suis vieux, i'ay veu beaucoup de choses, i'ay ouy parler de beaucoup d'autres, pourquoy ne pourrois-je pas dire mon aduis d'un affaire à laquelle vn chacun de nous à interest? Mais ie ne suis pas Conseiller d'Estat : il est vray, & bien plus ie ne le voudrois pas estre, car il y à trop d'affaires à cōtenter tout le monde. Si suis-je François, & Picard, qui puis par consequent sçauoir combien il importe à la Frâce d'auoir pour amis ceux qui nous peuuent grandement nuire ennemis. Nos villages si souuent desolés, pillés, bruslés par les Espagnols, en peuuent rendre quelque tesmoignage. Dieu vueille que nous n'esprouiōs plus ces mal heurs & que vostre reconciliatiō, mes tres-honorés Seigneurs, soit aussi sincere & durable, que l'espere avec beaucoup d'apparence & le desire avec encore plus de raison le pauvre

99 958893







MC

